

JADIDLARNING ILMIY QARASHLARIDA TARIXIY ASARLARNING O'RNI VA AHAMIYATI

Xo'jaqulova Dilnoza Bahodirovna

Nizomiy nomidagi Toshkent davlat pedagogika universiteti
tarix fakulteti 4 bosqich talabasi.

Anotatsiya

Ushbu tezisda jadid namayondalarining tarix ilmi bo'yicha o'z fikir va qarashlari va ularning asarlarida tarixiy voqealarga munosabati, yosh avlodni ulg'aytirishda ta'llim tarbiya berishda tarix ilmining o'rnnini mulohaza qilibgina qolmay ularning boshqa xalqlar va islom tarixi bo'yicha asarlari tahlil etilgan.

Kalit so'zlar: Abdurauf Fitrat, Mahmudxo'ja Behbudiy, Zakiy Validiy, Abdulla Avloniy, Munnavarqori Abdurashidxonov, tarix, jadidchilik.

Turkiston jadidlari mamlakatni qoloqlik, tarqoqlik, savodsizlik botqog'idan faqat ma'rifat qutqarishi mumkinligini yaxshi tushunganlari uchun dastlab asosiy sa'y-harakatlarini yangi usuldagagi maktablar tashkil qilish, ularning mazmun va shaklini takomillashtirishga qaratdilar. jadidchilik fenomeni shu davrdagi sanoat ishlab chiqarishi, qishloq xo'jaligining rivojlanishi, ma'naviy hayotdagi o'zgarishlar bilan bog'liq bo'lsada, uning bir qancha yo'naliш va bosqichga ega bo'lgan g'oyaviy manbalari borligini e'tirof etish zarur. Jadidlarning ma'rifatparvarlik g'oyalari ularning ma'naviy merosida ham o'z aksini topdi. Jadidlar yangi maktablar tizimini takomillashtirish uchun darsliklar yaratib, o'z asarlarida jamiyat ma'naviy hayotiga salbiy ta'sir etuvchi illatlarni yoritishdi va ularni bartaraf etish yo'llarini izlashdi. Fitrat tarixiy qarashlarida xonliklar davri tarixini shafqatsiz zulm davri,adolatsizlik, begunoh qonlar to'kilgan davr deyish ham mumkin. Boshqaruv jarayonida hukmdorlar asosan jazo choralaridan foydalanganini, qo'lini qonga botirib, xonlik jallodlarini qo'li doim band bo'lganini ko'rish mumkin: "... podshohlik qon bilan sug'orilaturg'an bir og'ochdir. Qon oqib turmag'an yerda bu og'ochning qurib qolishi aniqdir¹." Jadidchilik harakatining faol vakillaridan yana biri bu Munavvarqori Abdurashidxonov edi. Uning "Xotiralarim" nomli asari yaqin o'tmishimiz XX asr boshlarida ro'y bergan voqealar tarixiga bag'ishlanadi. Asar o'zi ta'kidlaganidek uch qismidan iborat bo'lib, birinchi qismi

¹ Abdurauf Fitrat. Tanlangan asarlar. I jild. Abulfayzxon. -T.: "Ma'naviyat", 2000. -B. 183.



jadidchilikning maydonga kelishidan 1917-yil fevral inqilobigacha bo‘lgan davrni o‘z ichiga oladi. Unda, asosan, jadidchilikning sho‘ro davridagi ma’orif va madaniyat taraqqiyotiga qo‘sghan hissasi, mustaqillik uchun mustamlakachilik siyosatiga qarshi oshkora va yashirin olib borgan kurashi yoritiladi. Ikkinchisi 1917-yil fevral-oktabr, uchinchisi esa sho‘ro davrini (1917-1929-yillar) qamrab olgan. Asr boshlarida istiqlol va milliy ozodlik uchun kurash olib borgan ”Ittihodi taraqqiy”, ”Milliy ittihod” va ”Milliy istiqlol” kabi oshkora va yashirin tashkilotlar faoliyati tarixi ularning rivojlangan mamlakatlar bilan aloqa bog‘lashga urinishlari tarixi: ”Ittihodi taraqqiy” tashkiloti Turkiya bilan aloqa bog‘lash uchun yuborgan komissiya Turkiyada hukumat to‘ntarishi bo‘lgan vaqtga to‘g‘ri keladi va uchrashib gaplashishi kerak bo‘lgan odamlarni topa olmay, muvaffaqiyatsizlik bilan qaytib keladi”² ham yoritilgan. Turkistonning tarixi, bu hududdagi tarixiy yodgorliklar, tarixiy shaxslar, turkiy xalqlar tarixiga oid bir qancha asarlar yaratadi. Turkiston tarixini yetarli darajada yoritilmagan deb hisoblagan Mahmudxo‘ja Behbudiy ”Sadoyi Turkiston” gazetasida ”Milliy tariximizni kim yozar?” degan savolni o‘rtaga tashlaydi va : ”Bizning fikrimizcha, munday bir tarix yozmoqlik nihoyatda qiyin bir ish bo‘lib, hozirdamuning ifosi bizlarning qo‘limizdan kelmayturg‘onga o‘xshaydir. Shuning uchun bu xizmatni Turkiston tarixi ila oshino bo‘la boshlagan yosh muarriximiz muhtaram Ahmad Zaki Validiy afandining qalamidan umid etmakdamiz”³, deya bu mas’uliyatni Validiyiga topshiradi. Uning ”Turk xalqlari tarixiga kirish”, ”O‘rta Osiyo tarixinining islom davri”, ”Xudoyorxonning so‘nggi kunlari”, ”18 asr Farg‘ona tarixiga doir”, ”Buxoro xonligiga sayohat”, ”Turkistonning madaniy-ma’naviy boyliklari”, ”Al-Beruniy shimol xalqlari xususida”, ”Qadim Xorazmda til va madaniyat”, ”Turkiylar shajarasi”, ”Amir Temur maqbarasi”, ”Termur va Boyazid Yildirim”, ”Buyuk hukmdor Shohrux”, ”Temur avlodlari”, ”Sharqda sho‘ro siyosati”, ”Temurning g‘arbgan yurishlari”, ”Chingizzon” kabi asarlari va Bartold bilan birgalikda yozgan ”Temurning Hindistonga safari” asari vatanimiz va turkiy xalqlar tarixiga bag‘ishlanadi. Begali Qosimov o‘z asarida Validiyning turk xalqi haqidagi: ”Minglarcha yillik tariximizda qizil ip bo‘lib o‘tgan xususiyatlarimizdan biri jonlilik va bitmas faollikdir... -yozadi Ahmad Zakiy Validiy va –Turk millatining tarixning biz bilgan davridan buyon askar bo‘lib kelganligini, intizomsevarligini, hayotning eng og‘ir mushkulotiga ham tayyor turishini, mashaqqatlarga uzoq

² Abdurashidxonov M. Xotiralarim. Jadidchilik tarixidan lavhalar. -T.: ”Sharq”, 2001. -B. 65.

³ Behbudiy M. Tanlangan asarlar ”Turkiston tarixi” kerak. -T.: ”Ma’naviyat”, 1999. -B. 178.



muddat sabrlibo‘la olishini”⁴ ma’lumotlarini keltirib o‘tadi. Umuman olganda, mavzudan uzoqlashmay, islom tarixiga doir asarlar borasida Abdulla Avloniyning “Muxtasar tarixi anbiyo va tarixi islom” (m. 1913) Abdurauf Fitratning «Muxtasar Islom tarixi», Mahmudxo‘ja Behbudiy (1914), Shokir Sulaymon (1918) kabi adiblarning ham «Qisqa Islom tarixi» XIX asrning oxirgi choragiga kelib, tuprog‘I g‘ayridinlar oyog‘i ostida toptalgan, davlat mustaqilligidan judo bo‘lgan Turkiston xalqi erta-indin e’tiqod mustaqilligidan ham mahrum bo‘lmashligiga hyech kim kafolat bera olmasligini nazarda tutib yozilgan bo‘lsa ajab emas. Abdulla Avloniyning “Muxtasar tarixi anbiyo va tarixi islom” va Abdurauf Fitratning «Muxtasar Islom tarixi» asarlarini tadqiqot ishimizning asosiy manbalari sifatida tanlab oldik. Chunki Mahmudxo‘ja Behbudiy (1914), Shokir Sulaymon (1918) kabi adiblarning «Qisqa Islom tarixi» kabi darsliklarini topishga muvaffaq bo‘lmadik.

Shu kabi Munavvarqori Abdurashidxonovning ham qisqa islom tarix yaratganligi xabar qilinsada u o‘zbek tilida nashr qilinmagan. M. Abdurashidxonovning “Havoij ad-diniya”, (Din ahkomlari) kitobini muallifning neverasi Ismoilxon hoji akaning uylariga borib, o‘qib ko‘rdim va rasmga tushirib ma’lumotlar yig‘ib keldim⁵. Fitrat Avloniydan farqli ravishda Arab yarim oroli va u yerdagi xalqning ahvolini alohida mavzu ostida bayon qiladi. Uning yana bir jihatni darslikda talabalarning bayon qilingan voqyea-hodisalarini aniq tasavvur qilishi va hifz qilishi uchun voqyea bilan bog‘liq jo‘g‘rofiy ma’lumotlar ham keltiriladi. “Uni Arab yarim oroli (Jaziratul-arab), deb ataganlar. Bu yerning xalqi asosan arablardan tashkil topgan. Arab yarim oroli Rum va Eron yurtlari kabi obod emas, balki ko‘p yerlari qumlikdan iborat bo‘lib, ba’zi qit’alardagina obod manzillar mavjud edi. Bu qit’alardan eng mashhuri va muboragi Hijozdir, chunki bu qit’ada Makka bilan Madina joylashgan. Xaritaga qarasangiz ko‘rasizki, Hijoz qit’asining bir tarafi Qizil dengiz va boshqa bir tarafi cho‘ldir”⁶. Fitrat Abbosiy xalifalardan Xorun ar-Rashid, Ma’mun xalifaligi va bu davrlarda amalga oshirilgan ishlarga alohida to‘xtalib o‘tadi. Xorun ar-Rashidning o‘g‘li va abbosiylarning yettinchi xalifasi bo‘lgan. Ilm va ma’rifatning taraqqiysi xususida otasidan ham ko‘proq harakat qilgan. Qaerda biror olim yoki dononi eshitsa, ularni mamlakatga keltirib asrar va qaerda hikmatli kitoblar xabarini eshitsa, keltirib arab tiliga tarjima qildirgan. Barcha ilm olimlari din va mazhabidan qat’iy nazar uning atrofida jam bo‘lganlar. Bog‘dodda ko‘p

⁴ QosimovB. O‘zbek adabiyoti va adabiy aloqlarini tarixi. –T.: “Fan va texnologiya”, 2008. -B. 21.

⁵ Munavvarqori Abdurashidxonovning “Havoij ad-diniya”, (Din ahkomlari) kitobi 1912 yil Qozonda nashr etilgan.

⁶ Abdurauf Fitrat «Muxtasar Islom tarixi» -T., -B. 6.



bilimli tabiblarni to‘plagan va oliy darajadagi shifoxonalar barpo qilgan. Musulmonlarning san'ati, tijorati va ziroati Ma'mun davrida boshqa hamma ajnabiy mamlakatlardan ko‘proq taraqqiy qilgan edi. Fitrat Abbosiylar davlatining zavolida Ma'mundan so‘ng Abbosiylar jamoasidan xalifalik qilgan yigirma nafar kishining aksariyati beobro‘, susstab' va ba'zilari badaxloq ekanini yozadi. Binobarin, abbosiylar davlati kundan kun tanazzul topdi. Bora-bora Islom mamlakatlarining har tarafidan bir podshoh, ketidan ikkinchisi paydo bo‘la boshladilar. Fitrat ularning xalifaligi podshohlik qilish bo‘lmay, balki shayxlik edi. Usmoniya davlati xalifalikni shulardan olgan, -deb yozadi⁷. Jadidlar o’z xalqini ma’rifatli holda ko‘rishni istadi, har qanday qullik, xurofotga berilishi, milliy biqiqlikdan ozod bo’lishiga intildi. Ular o’z faoliyati boshlaridayoq Turkiston aholisiga jahon sivilizatsiyasi yutuqlari bilan oshno bo’lish yo’lini taklif etdilar. Bu yo’l milliy va diniy-ma’naviy qadriyatlardan voz kechish emas, balki, aksincha, ular asosida, bundan keyingi rivojlanish va taraqqiyotga halaqit beruvchi eskirgan aqida va xurofotlardan voz kechish bilan sekin-asta o’tish edi.

Foydalanilgan adabiyotlar ro’yxati:

1. Abdurauf Fitrat. Tanlangan asarlar. I jild. Abulfayzxon. -T.: “Ma’naviyat”, 2000. -B. 183.
2. Abdurashidxonov M. Xotiralarim. Jadidchilik tarixidan lavhalar. -T.: “Sharq”, 2001. -B. 65.
3. Behbudiy M. Tanlangan asarlar “Turkiston tarixi” kerak. -T.: “Ma'naviyat”, 1999. -B. 178.
4. QosimovB. O`zbek adabiyoti va adabiy aloqalari tarixi. –T.: “Fan va texnologiya”, 2008. -B. 21.
5. Munavvarqori Abdurashidxonovning “Havoij ad-diniya”, (Din ahkomlari) kitobi 1912 yil Qozonda nashr etilgan.
6. Abdurauf Fitrat «Muxtasar Islom tarixi» -T., -B. 6.

⁷ Abdurauf Fitrat «Muxtasar Islom tarixi» -T., -B. 29.